

Rheolau Cystadlaethau Cyfansoddi a Chreu

- 1 Mae'r Rheolau Cyffredinol ym mlaen y Rhestr Testunau hefyd yn berthnasol i'r adran hon.
- 2 Mae holl gynnyrch cystadlaethau llenyddol a chyfansoddi Eisteddfod yr Urdd yn cael eu beirniadu ar lefel genedlaethol, ar wahân i gystadlaethau Celf, Dylunio a Thechnoleg.
- 3 Oni nodir yn wahanol, gwaith ar gyfer unigolion yw'r cystadlaethau.
- 4 Rhaid i holl gynnyrch yr adran hon, ar wahân i gystadlaethau Celf, Dylunio a Thechnoleg gyrraedd Swyddfa'r Urdd, Glan-llyn erbyn Mawrth 1, 2019.
- 5 Yn achos y Prif Gystadlaethau, dylid cynnwys dau gopi o'r gwaith, cyfeiriad cartref ebost a rhif ffôn.
- 6 Rhaid i aelodau o Adran/Aelwyd anfon eu cynnyrch gyda'i gilydd trwy eu hysgrifennydd. Dylid labelu'r parcel neu'r pecyn 'Llenyddiaeth' fel y bo'n briodol.
- 7 Rydym yn argymhell cofrestru cynnyrch a anfonir trwy'r post. Ni fydd yr Urdd yn gyfrifol am unrhyw golled neu ddifrod a all ddigwydd i'r cynhyrchion.
- 8 Bydd gan yr Urdd hawl i gyhoeddi pob un neu rai o'r cyfansoddiadau cerddorol a llenyddol a ddyfernir yn fuddugol a'u defnyddio at ddibenion yr Urdd yn y dyfodol, a hynny heb geisio caniatâd yr awduron na thalu unrhyw freindal na thaliad arall.
- 9 Caniateir ennill y Gadair, y Goron, y Fedal Ddrama, Medal y Dysgwr, Y Fedal Gyfansoddi hyd at deirgwaith.
- 10 Rhaid i'r gwaith a gyflwynir fod yn waith gwreiddiol yr awdur, sydd heb ei gyhoeddi o'r blaen mewn unrhyw ffordd.
- 11 Mae'r Urdd yn cadw'r hawl i olygu unrhyw waith sydd yn cael ei farnu yn addas i'w gyhoeddi yn y Cyfansoddiadau.